




Poex: 1246




2530


1869 11. 387











Frid. Zamell

LUSUS FAMILIARES:

qua est

Charillidum pars altera.

Typis Bodenhausianis,

A N N O cl^o l^oc XXXIV.

In Graculum

Non humilem laurum nec inertia ferta petebam,
Cirrha, Tuas rupes ausus adire puer.
Tota propinabat se Castalis unda bibenti:
Miscebarq; Tuo, diu a novena, choro.
Sape mihi teneros dictarunt somnia lusus:
Invit & ingenium noxq; soporq; meum.
Numina si nostros animant praesentia versus,
Et sedet in fibris intus, agitq; Deus;
Cur rapiant blatta non natum hos carmen in usus,
Hauriat & nostras flamma profana faces?
Ars habet hac aliquem, si non corrumpitur, usum.
Deliciis volui commodus esse meis.
Tu quoq; versiculos nec paucos, Gracule, condis.
At non est illud, Gracule, quod volumus.

Salve

Salve amice Lector.

ANnus jam integer decurrit, cum nuptiales lusus edidi, tunc sponsus. A nubentis mihi nomine ed leviter detorto Charillidas inscripseram, rem à moribus nullius seculi alienam me persequi arbitratus. Ad gentilem. n. lectum gratulantium voces quotidie perstrepere, quis nescit? Ludent docti, indocti promiscue; simplicius hi, fescenninis alii. Id cum in nemine horum Censoria virgula notaverit; nec ego nefas habui, si caneret amores suos, qui calet ipse. Verbis, quæ inter nupta sunt, adeo abstinui, ut nec ubi locum vindicare sibi possent, in carmine satis casto apparuerit. Caterum, ut talibus abuterer, neq. vitæ mea ratio admittebat, & ingenis per se abhorrebat ingenuitas. Inveni tamen sunt, in quibus Graculus etiam famosâ chartâ sed evinus pungens, qui non tam verniliter auctorem impterent, quàm ipsos lusus malitiosè traducerent. Nihil heic (ne vanis suspitionibus in partem veniant alba mentes) nihil, inquam stimuli in eos, quos intra splendorem fastigii sui patria suspicit, dignos amore nostro, aut certe odio indignos: quaquà terrarum lairatores istos circumspicias, longè infra hoc culmen sunt, rabie solâ excitati: quibus respondere tamini non erat, nisi fucum fecissent etiam melioribus. Coryphaeus illorum Graculus Alemanni se semper professus est: nec aliud, quoties ad nos visibat, ex ipso percontantibus liquere potuit: credo, quia veriozem patriam patremq. ignoraret, materno lacte depulso id restabat, Alemanni se esse ex linguâ ut colligeret. Civem adhuc se agebat Urbis, quàm semel adiverat, ed rediturus numquam; quidd nec intra ducentesium lapidem ejus in finibus habeat, de quo injussum possessorem convenire possit. Hic si, qualis Poetica usus, qualisq. in hunc fingendi licentia cultoribus ejus concessa sit, impune non noverit; illud tamen nescire æquum non erat, deterrimos mortalium semper habitos, qui aliis temere maledicerent. Nec, si doctissimorum virorum calculo acquiescere poteram; committendum erat, ut presidio careret integritas adversus obtreptantium proterviam. Geminam esse Vencrem, geminos Cupidines; mollem alterum & vinulum, satis etiam formosum, ut decebat Iovis genus, at non talem qui desideria nostra teneat ultima; cælo oritur alterum, castissimum, ut qui divinus, sanèq. pulcerrimum, nostri Tu in Platonis philosophiâ non hospes Lector; non perinde Graculus, si modò iudicio non fallimur. Ab illo Amore ad hunc transire animus erat: ostendere

erat curam rei familiaris recens ingressis, nullius tam abiectum usum functionemq; esse, quin ab eâ fascino Dionæi furoris exsoluta mens nostra excelsius se erigere possit, conversa in eū, ex quo ipsa, à quo omnia. Adde, quod studia nostra nea juventuti deerant, quæ sanam ingenii culturam amplexa quovis se argumento occupare, in omni copiam & elegantiam affectare disceret. Quæ tamen omnia is ἐν τῷ πόδῳ egimus: alia enim serid nobis orbita terenda est, quibus oneris sui partem iniecit amica patria: quiq; istas horas, quas eidem suffuramur veluti, non tam his ingenii diverticulis, quàm causæ plurib. probata addiximus: excitati ab his, qui rerum; quas Historico stylo aggredi suscepimus, ipsi pars magnâ fuerunt; altiusq; exorsis auræ clementia sua adesse, cursumq; inter vada cæca dirigere possunt. Ab illo, quod dixeram, instituto non parùm me amovit is, in se qui commovit Graculus. Proinde si quid minùs ad hanc amussim nunc leges, ab eâ bile non aliunde esse cogita. Vale Tu, Lector: quod si vita & à rebus vacatio supererit; satiam, Charillidas meas magnâ accessione non auctiores modò sed & venustiores, hanc vero partem etiam sanctiorem ut habeas. Sin aut incumbens negotium, aut ipsa fata conatum hunc meum irritum esse voluerint; id mihi tamen interea voluptati erit, quod facem iis, quos aliqua ignobilis otii cura tangit, praluximus. Dab. Elbingæ anno salutif. part. M. DC. XXXIV. Cal. Iul.

Frid. Zamelius.

Ad

*Ad Patriam Senatumq; Elbingensem
de donato munere nuptiali amplissimo.*

Patria cara, Tui thalamos venerata Poëta
(Cur aliud dicar? laus ea sola mea est.)
Munere non humili lectum venerata jugalem,
Quo mea non falsus pectora mulcet amor.
Vos etiam Patres, vos mentes alloquor æquas,
Et vos quæ fertis grandia dona manus.
Qualia non patrius tulit alter honoribus auctus:
Qualia non dubii signa favoris amo.
Quid referam? si forte nihil mea carmina profunt,
Pars qua tamen nostri grata laboris erit.

*Ad Patres Marienburgenses
cùm iidem Scyphum nuptialem
obtulissent.*

Urbis corda Patres, quæ cælum hoc Sponsa Zamell
Nata recens vidit, quæ modò juncta viro est.
Debita pro vestris stat apud me gratia donis:
In quibus est, potior quod mihi causa probat.
Quamvis hic adfectus! non me mea Cathrula solum,
Sed Catharæ populus nunc quoq; totus amat.

*Ad Catharinam
in deductione ejusdem*

Ælvopolitane tollunt se mœnia gentis,
Et portas aperit Drusis amica suas.
Iam tectum adspicies nostrum, jam limen adibis,
Cathrula: jam venies sub penetrabile domus.
No, dulcis conjux, patrias respexeris ædes.
Heic patriam, heic aras, quod properamus, habes.

De Esedo inter viandum.

E Seda quæ rudium nescit fortuna Quiritum,
Sponsa quibus gaudet seu nova nupta vehi,
Cum mihi non essent adituro cultius urbem,
Vnde venit thalamis pacta puella meis,
Drusidos in populo sed laetis civibus essent;
Tot iussi famulum sollicitare meum.
Quinq; genus nostrum, mea turba, fuere Borusti,
Britones sextus commemorabat avos.
Causati fractos axes mihi quinq; negarunt:
Cujus praesto fuit rheda, Britannus erat.
Quæ gentis mala fata meæ rupere quadrigas;
Dum noxa currus nil peregrinus habet?
Dic patrius sanguis, generis quid jure requiras;
Si mihi in exiguos rheda negata dies?

Ad Catharinam domum ductam

A Ccipe servorum duos in pectora fascēs,
Catbrula, praesidium; quo stat herile decus.
Ne nimium laxa, nimium ne contrahere servi
Aspera fræna jugi. Res moderata juvat.
Non alia est major corrupti infamia seculi,
Quam famulas leviter nec leve ferre jugum.

Ad eandem.

E Xerceo quarto me cura domestica lustro,
Cum mea tecta suum non habuere canem.
Miraris conjux? veniet Tibi Turba latrantum,
Quæ de vicinâ saepe molesta domo est.

Sape Lare expelli mecum, Catharina, jubebis.
Sunt, quibus est suboles unica; quinque canes.

Ad eandem.

Cum mihi sit custos latrans in limine nullus;
Res quomodo noctu sit mea salva, rogas.
Claudo fores: obdo secura robora quercus:
Præ foribus tota sunt regione canes.
Hactenus invasit manus insidiosa Penates,
Queis vigilum servit longa caterva canum.

Ad eandem.

Utere deliciis nuptæ Catharina, recentis:
Inq, Tuo jaceat nana catella sinu.
Vos Melitæa juvent absentibus oscula nobis.
Catbrula, res longæ non erit illa moræ.
Cum Tibi Luna novos novies ostenderit ortus;
Quod cures, aliud maxima Iuno dabit.

Ad eandem.

Exiguos æris, Catharina, videbis acervos,
Possidet auriferi nil mea cista Tagi.
Prædia dant parvum mihi vectigalia censum.
Credo mihi, satis hoc usibus esse probis.
Riserunt parcos in me mala pectora sumtus:
Deseruit patrios pars fugitiva Lares.

Ad eandem.

Est nota degeneris factum est infame mariti,
Vxori regnum qui dedit omne suæ:
Qui domina scit ferre jugum, metuitq, tonantis,
More levis vernæ, debile fulmen heræ.
Rectius ingenio vives, mea Catbrula, nostro,
Non bene veraces astruit ille deos.

Ad

Ad eandem.

Desunt aequales & amicum Druside sanguen :
Et pater & dulcis, Cathrula, mater abest.
Hoc quereris. Non sunt nostrâ procul urbe parentes.
Firma animum : & noster Druside sanguis erit.
Est juxta matrona favens, est virgo sodalis.
Sunt bona corda domus è regione mea.
Nec longè à nobis media fora despicit urbis
Consulis hei quondam digna jacere thoro,
Clara viri meritis & prolis honore recenti,
Commoda mens aliis. Hanc, Catharina, coles.

*Magnif. & Nobilis. Dn. Ioan. Nic. ab Ahausen
Hered. Selg. & Statof. Commisf. R. Gen.*

Cathrula nostra domi est : jam venit ab urbe Nogedi,
Nicodama Gothici stella venusta poli.
Sexta dies exin summo radiabat Olympo,
Serino confors cum Tua venit agro.
Illa Sibyllinas Tecum traducat aristas :
Nupta mihi laterum quassa dolore jacer.
Non, licet alta quies tacita sit nocte, quiescit :
Nox oculos dulci nulla sopore linit.
Aut cælum incuso & contraria sidera nobis :
Aut animum fati spe melioris alo.
Sed mea cœlestes ascendunt vota per Orbes :
Flectetur precibus, qui regit astra, meis.
Non est arbitrii, Tua sumore prandia, nostri :
Causa, quod emaneo, plena dolore subest.

Dn. Erhardo Schnerio Collegæ amicisf.

Quam modò cor niveum, nostro præluxit honori,
Ardebit famula pronuba rada meæ.

*Penè parata mihi sunt omnia: pisce caremus.
Ille Tuâ numero sub ditione caret.
Scire facis poteris; quid Te, vir amice, rogemus.
Ut mihi sint pisces; hoc Tua jussa dabunt.*

In Marrum.

*M*Arre, quid hoc ad Te; Catharæ quòd diximus ignes?
Me meus ussit amor. Quis licuisse neget?
Forsit an hoc ad me; quòd vinctricongius hauris.
Nil ad me; quòd Te non Tuus ussit amor.
Fæda quidem de Te populus. Sed Marre, quid ad me?
Ad Te quid lusus pertinuerit mei?

In Graculum.

*E*St, quod Te nostrâ malè pungit, Gracule, causâ:
Hinc noxam versu dicis inesse meo.
Ingenium laudas: in crimine ponis Amores.
At quales? totum hoc nostra Charillis erat.
Tu Tecum reputa, quæ possum dicere de Te.
Scat nondum versu Te jugulare meo.

In Cellionem.

*P*atris habes mores & patris, Cellio, vultum.
Quòd barbam mulces; hoc quoq; patris habes.
Talis erat risus patris, cùm raderet unguis.
Cor quoq; patris habes, dum nimis alta sapis.
A patre vix poteras linguam Tibi sumere. Sumta est
A Bavio. Vestra pars erat ille domus.

*Ad Catharinam, cùm è nuptiis N. N.
domum revertissent.*

*Q*uid, mea, sollicitas Medicorum, Cathrula, turbam?
Quid somnum pueris irrequieta fugas?

Parco Tibi, nummisq, meis. Sum corpore sano:
Nec mea, crede mihi, pectora languor habet.
Nil dulces nocuere cibi, vinumq, meracum:
Quo festum coluit sponsus uterq, diem.
Sacra novis thalamis sed pessima carmina legi.
Noxa caput subiit: est dolor inde meus.
Huc puer, & magni recita mihi pauca Maronis:
Ingenio noceant ne mala texta meo.

In Graculum.

GRacule, qui cantas alienos semper amores,
Quid diri, ut fodices, nostra Charillis habet?
Ipse meos cecini Vates & Sponsus amores:
Lusus erat Staphyle: nostra Charillis erat.
Qua mihi jura negent aliis concessa Poetis?
Quis neget hoc Vati, res coluisse suas?
Abstiniui nuptis inter mea gaudia verbis.
Quae postea dederis, oscula sola loquor.
Quid Curium obrudis, quem non sub fornice praestas?
Sed mitto, Lusus, Gracule, mitte meos.

In Tidiciu.

SÆpe rogas, Tidici; quas trahet Graculus artes?
Qua coma, quæ facies; quam colat ille domum?
Tam claris, Tidici, si vellem ludere signis;
Debuit à versu Graculus ire meo.
Hunc etiam exquiris, si fas, quo nomine mutem?
Si fas sit Tidici, si patiâre; Tuor.

Ad Catharinam.

Divitiis careo: verus sum, Cathrula, Vates.
Non studet hic opibus, qui calet igne meo.

Hoc subeunte licet præstemus magna Poeta ;
Cogere non nostræ est conditionis opes.
Dum mihi plus tribuit Patrum inter nomina Censor ;
Ecce nocet nobis, hoc meruisse decus.

In Cæliam.

Quam velles, auris jam dudum tota fuisses,
Exissetq; meâ pessima fama domo.
Non est, quod credis: non est, quod Cæliaingas ;
Nec mea crudelis gaudia turbat anus.
Iam mihi terra favet: cælumq; & sidera rident.
Tu livore peris pars quotacumq; Tui.

Ad Catharinam.

Vlcinos iterum calamo insectamur hylactas,
Dum grege bauhantum limina nostra calant.
Cur ego latratus optarim, Cathrula, plures ?
Cur herus insani gutturis esse velim ?
Luce canes turbant, ululant & nocte profundâ ;
Quorum plus pueris pectoribusq; virum.

Ad eamdem.

Sit procul à nobis hirti vox dura molossi:
Sit procul à Laribus fauæ rabiosa meis.
Nos erga satis est, juxtaq; & ponè latrantum.
Augescat sumtu cur fera turba meo ?
Sit licet alta quies, nec barbara corda vagentur,
Latratu tectum personat omne canum.

In Agriam.

Tempora jucunda producimus, Agria, vita :
Esse super Catharan, me superesse vides.
Quid Tibi de Libycis Ammonia Syrtis arenis
Mittit iners vulgus, quod mea fata canat ?

Dixi ego, quid tuis sis, quid vel color arguat in Te.
Ultima penè Tui meta laboris adesſe.
Nec sic exhibis: mortis cùm venerit horror;
Majores quatiet torva Megæra faces.
Scis Tu, cù tacito sunt illæ in pectore flammæ,
Vltiores scelerum quid sit habere deos.

Ad Catharinam.

Adspicis, angusto cævea quam limite cluſi,
Quæq; suum carmen lata fritinnit, ævem.
Rebus in angustis, conjux, durare jubemur.
Regnum in fortunam mens habet æqua suam.

Ad eandem.

Quid mihi cum canibus, venatricisq; Dianæ
Agmine, si mensis dat nihil illa meis?
Non quæres nostras inter venabula cænas,
Cathrula: quo vescar, nota macella dabunt.
Tendiculæ parvis valeant & retia fundis:
Nec plaga setosis infidietur apris.
Si fraus absuerit, leporum sint lustra catervis:
Per mea securus pascua cervus eat.
At Tu non semper, Mea, delectabère nostris
Deliciis, nec Te cæsa jurabit ovis.
Nec semper pullus desumptus cortæ placebit,
Aut Tuus auctumno pinguior anser amor.
Tu quod edas, auro satius Catharina pararim.
Dianæ rabidum plus aluisse gregem eſſe.

In Marrum.

UT nôris, quàm vil peccârit nostra Charilla,
Carmina temporibus da mea, Marre, suis.

Tempora sunt, cum non patitur res seria lufum;
Et Cytheræa Venus nescit habere locum.

Est, quando rigidas excludit Cypria frontes,
Vtile terrigenis utile Numen aquis.

Anxius in nostræ flammæ inquirere iuventæ:
Horruit illicitas nostra iuventæ facès.

Tæda sub octavum luxit mihi tertia lustrum:
Tristis amaror inest nunc in amore meo.

Respice perpetuum delati culmen honoris:
Præsidium famæ quod mihi majus erit.

Nunc ego Censoris nunc munere Iudicis ornor:
Vix alio fungi me voluere Patres.

Non Tibi Postumius non sum Cato, Patria, dixi:
In me quid duri nescio moris amas.

Talia vel Bruti legisset carmina conjux:
Sic cum Marriolâ luserit ipse Cato.

Ad Catharinam.

EXsuperat nostro malè nix abscondita mento,
Temporaq; & frontem rara senectus arat.

Tunc ego, cum patrem cum Te, Catharina, rogarem,
Vivere si posses conditione meâ;

Hoc simul adjeci: Tu flore iuvencula primos es:
Degenerat nostris Punica barba genis.

At Tu: Canities semper mihi culta parentum,
Quàm mihi consortis sit veneranda, docet.

Nec comâ tincta parùm validis hoc esset in annis,
Hactenus infesti sis nisi nauta maris.

Hunc animum, hanc mentem, Catharina, tuere marito.
Quod mihi Tu tribues, hoc decus omne Tuum est.

Ad eandem.

GAllorum numeros & motus, Cathrula, nescis;
Non agilem scitè docta movere pedem.

*Crede mihi, tales pueri negleximus artes.
Hoc quod amas, res est moribus apta mei.
Sum Tibi tota domus, quâ nostrum in nomen abisti:
Quodq; patri genitrix, hoc Catharina mihi es.
Nosti, quo columen dures tibi cine nostrum;
Perdiderit fundi quid sata leta mei.
Abstulit ista dies, sunt hæc sine vindico furum.
In Te stat nostri nunc medicina mali.*

Ad eandem.

*Q*uod puer in mensâ voces, Catharina, Latinas
Imbibit, & nostro discit ab ore loqui;
Non ignara vides, domina non inscia linguae:
Estq; quod in puero, meq; parente probes.
Scilicet. O quamtis Schola rauca laboribus instas
Perdere Grammaticis non mala corda libris!
Sunt, quos hæc multos exerceat arena per annos
Vel tria non ausos edere verba foras.
Erret cum pueris Ostorum nostra iuventus,
Maturo Catulos tempore iussa sequi.

Ad amicos.

*S*cribere versiculos ferulator dicitur in me;
Vindiciasq; meas poscis, amica manus.
Ingenio cari vos parcite Vatis abuti.
Vt pugnem, tamen non ferulator erit.

In Graculum.

*D*E Scaphyle nostros legisti, Gracule, versus.
Gracule, cum legeres; visus es esse meus.
Sed legere hos poterat casti Susanna pudoris,
Et Collatino nupta pudore pari.

Oddo licet legat hos, & quisquis iniquior illo,
Cuiq; furor posset maior inesse Tuo.
Gracule, cum formam dederit natura puellis,
Possideat totum nec tamen una decus;
Hoc quod habent omnes, Vacum quod carmina tollant,
Quodq; datum medio sepe notare foro,
Tum quod habere Guta tectumq; latensq; ferebas,
Ad Staphylen retuli: quæ mihi dicta fuit.
Hic mihi lusus erat. Tu famam rodere nostram
Ausus es, & de me non bona verba loqui.
Annorum de me rumorem exquire priorum:
Non quæsta est de me quamlibet uxor anus.
Hinc mihi legitimo conjuncta est sœdere virgo:
Legitimo juncta est altera deinde thoro:
Tot sunt, quot nostris viguere sub ossibus ignes.
Exstinxit quasdam non mea culpa faces.
De Te. Dic tutam quod Tu mihi fassus in aurem es:
Et Guta quo dederit, quo Telephilla modo;
Cur numquam viduo jaceas sine pellice lecto:
Tu cui mutavit tertia luno faces?
Dic, Guta fatalem lue quâ celera verit horam?
Scas nondum ad nostros hostia sacra focos.
Respice Te, viresq; meas: fumantiaq; urfi
Cra time. In victum carmina robur habent,
Vtiliter nullas Podalirius admoxyet herbas;
Si latus hic ussit, cui medicina subest.
Hærebit semper, nullosq; abolebitur ævo,
De Te ego si quicquam, Gracule. Parco Tibi.

Ad Catharinam.

Psallit, & argutas intendit ævicula voces:
Testaturq; sui de bonitate fabri.
Hoc, Catharina, facit diuini nescia cultus,
Sic homini carmen iussa præire summi

Nos tacito pictæ telluris honore monemur.
Nos vocat in laudes qualibet herba Dei.

Ad Rubicellam.

PErpetuis salve votis, Rubicella, Lamell.
Iuro Tibi versus nil nocuisse meos.
Quid Tibi, cum nudo veneror Te vertice, si fors
Obvia Te tulerit, quod, Rubicella, taces?
Invideas: nos sorte Tuâ Tibi digna precamur:
Quos penes in pretio est virginitatis honor.

Ad Catharinam.

SErvorum improbitas animos exercet heriles:
Et dominæ imperium cum famulabus habent.
Quicquid Penelope decreverit absq; ministris;
Injunget rapidis jussa ferenda Notis.
Par his incesus, par est cum virgine cultus:
Sic coma, sic pes est: sic sibi virgo placet.
Servitio ut maneant, hoc cum prece munera præstant:
Fitq; manus Numen serva rogantis heræ.
Optavi veteres hoc in genus omne catastas:
Sit pecus ut domini mancipiumq; sui.
Iussisti turbam tectis exire molestam.
Crimen habent omnes: quo doleamus, erit.

In Cellionem.

CEllio me lacerat: me, qui sine crimine lusi:
Cellio, qui populo iudice crimen habet.
Cellio, læsa meo non est Tua Fulvia versu.
Pulcra quidem, at rebus non erat apta meis.
Hoc dixi, & causam non illi, Cellio, turpem.
Quid furis? hoc tacui Cellio: quod malè olet.

In Meraldum.

Quod dulcem thalami confors Tibi nulla quietem
Rumpit, & in vacuâ est nulla querella domo;
Esse putas vitæ certa argumenta beatæ,
Et tantum miseros sorte carere Tuâ.
At cum vitalem satus ires pupus in auram,
Quod tibi debuerat juris uterq; parens,
Tantum Te suboli natura impendere iussit,
Tu quoq; cum posses esse, Meralde, pater.
Est in naturæ non parva calumnia fabrum;
Si nihil accipiunt postuma secla Tui.
Tures surgentes Tures expende cadentes;
Qualibet hanc vitam dicet habere nefas.

Speſtab. Dn. Frid. Zarnelio.

Zarnelio, certè plenus Tu Numine Deli,
Dum Tua continuas carmina sphingas habent.
Davi ego de grege sum, non Oedipus. Ergò resolve
Mista Charilleis nomina carminibus.
Graculus & Bardus, Ferulator & Oddo, Myander,
Ollus ut & Paullus, Cellio, Codrus iners,
Et Gura cum Glaphyrâ, Rubicella vel Agria & Ægle,
Quæ Staphyle in versu, quæ Telesilla Tuo?
Non ego, non alii capiunt hæc Mystica; quamvis
His Tecum simus turba operata sacris.
Impediunt etenim sensum peregrina legentis,
Innocuosq; animos suspitione gravant.
In quâ ne forsan peccetur ab Ordine nostro,
Cedipodionis claribus heic opus est.
Quas si non mittes, veniam præsentior hospes,
Si rem præsentem sic didicisse queam.

B. Voidius.

C

Viro

Viro Rev. Praclariss. Dn. Balth. Voidio.

SI quid meorum adhuc Tibi est Charillidum,
Censu in meorum quot Voidi habeo optumos,
Domum remitte. Est vocula error unica,
Noxam levi pfectere cum purgavero
(Res fenorie est) plus auferes quàm miseras.
Addam fugatum Marte nuper Arctico,
Nunc subditum prae improbo Phallosthenem.
Sed quid rogas de Graculis, qui Milvius
Alis Anseri infestas aves argenteo?
Ad me quid Aegle nunc maritum non procum?
Quid Glaphyra? quid Rubicella? nec Te hæc attinent.
Securus imbrium veni ruentium.
Villoso pallio vel gausape.
Nugas leges mecum Poëta Puppî.

Nob. & Ampl. Dn. Fr. Zamelio.

AN quid Tuarum sit super Charillidum,
Charites vel ipsæ cum fuissent vix satis?
Tot sunt amici: quos amor Charillidum
Adegit, ut raptas mihi Charillidas
Auferre (quid dicam, rogare?) desinant.
Verum error iste quid noceret unicus?
Phallosthenem videre certè gestio,
Villosa tantum præstolabor gausapa.
Psecadas vel imbrium volo minutulas.
Et sermo tunc de Graculis miscebitur:
Nugasq; tunc, sed cras, legemus Puppî:
Præ Graculis si nosse Milvius queam.

B. Void.

Ad

In Caldium.

Mitimus hac teneris satis intellecta puellis,
Apta levi socco texta humilique pede.
Illa coturnatis sunt convenientia suris,
Cum canimus Reges & fera bella ducum.
Res Vatum est, Caldi, dare miria verba puellis:
Et Regum in laudes ire decente metro.

In Assum.

Esse virum patriæ non est satis, Asse, puella:
Ut sis congerro de propiore domo:
Alea seu dubio subeat versanda frivolo,
Seu vitreo placeat milite bella geri;
Advolet, & nocti celeres accommodet alas,
Inq, mero ut fera tempora noctis eant,
Conjugis officium res est mihi major honestæ:
Quâ mihi sepe dies tota sodale cadit.
Est puer observans studium moresq, parentum:
Est fugere; exemplo ne male natus agat.
Plus mihi defuncti præstant in morte Magistri.
Me nihil, Asse, juvas, nec Tua tota domus.

Amplis. Viro Dn. Frid. Zamelio.

Quid ferit innocuas pestus mala Graculus aures?
Aut avis hac ego sum V oidiusne meus?
Crede mihi Tu, quo se Drusus Apolline jactat,
Ingenii Numen nos coluisse Tui:
Nos Tua perpetuo missos in fœdera nexu
Esse Tuos fluxâ non dedicisse fide.

Christ. Reimanus.

Viro Rever. Cl. Dn. Chr. Reimano.

Pectoris integritas nostri nîve purior omni est:
Hoc ipso candor quàm nîve major inest.

Et quem legisti, versus Te laeserit, aut hunc
 Qui Tecum aeternae sacra salutis obit?
 Sobrius attendes paucis, Reimane, relectis.
 Graculus est trigamus: nil habet ille Tui,
 Voidiūq; Tui, seu fas est dicere nostri:
 Foedera qui thalami sarta prioris habet.
 Contemnit solidas atq; odit Graculus artes,
 Et quod seu facitis sive probatis opus.
 Scit tabulis testem subscribere: condere ceras,
 Nerio quales mittat amica duci.
 Qualibus Oenone Pariden se flectere credat:
 Quales Pelidae Deidamia legat.
 Novit &, ut crasso perfudit pectora succo,
 In quem sub Boreā spicea mater abit,
 Agrestes cantare modos & Phyllidis ignes,
 Et numquam - stabilem saepe novare fidem.
 Antè salax illi nunc toto languida nervo
 Verpa Palatinas torsit amore lupas.
 Hoc queritur conjux huic nupta recentibus annis:
 Invidet & potè jam Strygis amne Gutæ.
 Iucundos memorat, quot adiverit, ille labores:
 Quo fallat consors, discit ab ore viri.
 Italiam fugit, non ipsum Oenotria tellus:
 Exiit Hetruscum nec sua terra nefas.
 Queris adhuc, qualis sit Graculus iste, vel uxor?
 Ille pudenda refert: illa pudenda facit.

Ad Cathrulam.

I Am nosti vicos habitata Drusidos omnes,
 Cathrula; jam portas, quò via quaq; ferat.
 Non tamen in villas aut lata suburbia mecum
 Expatiatà, tenes quò sedeamus agro.

*Alcinoi silvas nescis, & vivida tempe,
Ingenium nostri deliciasq; soli.
Vidis ses hortos, nostra telluris honorem,
Vidis ses populi luxuriantis opes,
Cum nondum agrorum faciem mutasset & urbis
Drusida quadratam qui novus agger obit!
Non pauca Veneres expiravere sub armis.
Prævaluit picto causa salutis agro.
Cras erit in fluviū mihi parva liburnica ripa.
Rus ingens liquidis ingrediemur aquis.*

Ad eandem.

*E*Se satis hoc puero: vicini incedere lembo;
Vicino florem rare referte domum;
Lacte novo vesci; pecorum narrare magistris,
Quot numerarit oves; quas velit esse suas;
Largiri, quæ nec sint moribus apta nec annis:
Cuncta potestatis dum putat esse sua.
Cathrula, si satis est, nec rerum major acervus;
Crede Tuum, quicquid maximus Orbis habet.
Crede virere Tibi silvas & roscida prata;
Esse Tuos fontes, è quibus unda Tua est.
Communis volucrum resonat concentibus aer.
Quicquid omunt oculis corda superba, Tuum est.
Finibus in nostris adamantis copia duri est.
Servo Tibi tametsi ipse repertor opes.

Ad eandem.

*V*enit in Italiam Charitæ fama Poëta.
Roma meos forsan jam legit ipsa libros;
Nubiferas pridem Gothicus Mars transiit Alpes:
Hac mea formidet cur Venus ire viâ?

*Vix aliquid tribuunt: hoc certe, Cathrula, dicunt:
Simpliciter Boreas sed sine fraude calet.*

Ad Lectorem.

*S*Te, Lector, adhuc notus male Graculus urit;
Accipe, quâ proster strix decumana notâ.
Venit ad æquoreos Lygio de rure Borus sos:
Crusilli gracile est, pinguis aqualiculus,
Vox humilis: nimios oculi petière recessus:
Turgida frons, nasus longior, hirta coma est.
Hæc quamvis rufis obeat cava tempora cirris;
Nigra tamen barba est: ora tacentis hiant.
Ipse virum nuper sese jactarat acutum.
Quis neget? in summo vertice acumen habet.

Ad Cathrulam.

*O*Scinis in cantu variantem, chromate lingua
Condidimus Solem, Cathrula: Vesper adest.
Debemur cælo pars associanda catervæ,
Mirificis loquæ quæ canit acta modis.
In spes non dubias Vatum nos carmina mittunt,
Et quotus attendit? quem tenet hora brevis?

Ad filium Gotofredum.

*N*ate, Caballinei sitias cave pocula fontis:
Ad juga ne Pindi sive Heliconis eas.
Ne Vates inter res pernicioſa legaris.
Dictio si pura est, nec lutulenta; sat est.
Ad Logicos ibis me deducente Magistros:
Disces, Cecropidæ quo valère duces.
Sobrius hoc disces. Labor est Demosthene dignus.
Naturæ arcanum mente sequeris opus.
Astrorum inquires inter sua nomina motus;
Quid patriæ regio, quid peregrina ferat.

*Ad Reges venies, Regumq; exempla priorum:
Rectius & veteri noris ab Orbe Tuum.
Maturina dabis sacrosanctis tempora libris:
Romulei volves jura se vera fori.
Non alio uteris, Gotofrede, interprete quàm Te.
Inspice tunc vates. Quod prohibemus, eris.*

Ad eundem.

*Mitte vias alias, & per compendia patris
Eloquii fontes integrioris adi.
Tullius antiquum ponet Tibi, nate, rigorem:
Et tamen illumi de Cicerone bibes.
His Tibi colludet Romanus Consul in annis:
Qui post ore virum se graviore feret.
Omne penu linguæ non est hac corte Latina.
Non id disjungo. Res age, nate, Tuas.
Res est, cortivo ne tinxeris oscula vino,
Imbueris donec limpidiore mero.*

De Oddone.

*Oddo meas postquam lacerare Charillidas ausus
Invidit famæ conjugioq; meo;
Morphnus erit, dixi. Quærebat Iulia causam,
Iulia tam rabido non bene juncta viro.
Est niger: à tenebris est, inquam, Iulia nomen.
Nigra coma est, reddit Iulia, nigra cutis.*

Ad Catharinam.

*Tela Cupidinei penetrant velociter arcus,
Cathrula: mature nostra juventa cadat.
Segnis amor Superum. Sol occidit atq; resurgit
Plurimus: at superum non satis hæret amor,
Cathrula, si dignè venerabile Numen amamus;
Magna Deo res est & pia noster amor.*

Ad eandem.

A Ccepit nostrum formosa cucurbita carmen,
Cathrula: & inscriptæ jam coière notæ.
Mutavit variè. Viden? ut corrupta legantur
Hæc inarata prius? Morte levatur amor.
Marte lavatur amos confusa elementa reponunt.
Nec vox, nec dicti mens super ulla mei est.
Talis in antiquis enata cucurbita libris
Exercet genios, terra Batava, Tuos.
Cum canerent docti vulgo non obvia Vates;
Descripsere viri, queis caput ex pepone est.

Amor Conjugalis.

Non rigidi nexus, non vis adamantina tantum,
Quamcum non falsus pectora jungit amor.
Adde, quod in Graccho laudat sincera vetustas,
In sua serpentem fata necasse marem:
Fœmellâ intactâ teneræ parsisse maritæ.
An quid se lecti fœdera majus habent?

In Milcæm anum.

Cum possis mater Tanaquilis, Milcæ, videri,
Sive Numæ conjux, Tarquiniisq; prior;
Et Tua sit facies anibus deformior Hirpis,
Ac labia intactâ pallidiora nive;
Nec Tibi dens superet, mentum quo triste serenes,
Aut possit quamvis mollior ossa teri;
Cum teneris tamen incedis comes ægra puellis,
Et misces veluti vana puella jocos.
Iam calathos aptas, cultros jam tendis in hortos,
Ac violæ florem prima revellis humo.
Quid morem adfectas, qui non his convenit annis?
Sic, puto, nugata es, Milcæ, cadente Remo.

Ad Theoph. Cordum

de Bonfinii Phaleucis amatoris.

AN qui tot lepidas amationes,
Totq, Theuphile, basiationes,
Totq, dente nec acriore factos
Nec nimis labio patente morsus,
Ore usq, orbiculato & usq, hiulco,
Bonfin! legat elegantioris
Oris atq, animi politionis
Vatis, non patriæ venustioris
Angustis modo finibus forendi,
Mundi ob ingenium remotioris
Augusto quoq, quâ patet, theatro,
Quâ Venus colitur, legendi, amandi,
Cunctis, quotquot amant, legendi, amandi;
Non amet cirò, Cypriâsq, flammâs
Imis hauriat ossum medullis?
Vt legi, ut mea flamma me peredit!
Formosam Staphylen meos amores
Complecti arctius ipse mē videbar,
Oscula ingerere osculo tenello,
Et blando inq, rubentibus labellis
Admorsu inq, reciprocante linguâ
Notam figere, identidem referro,
Et musti imbibere osculi salivam.
Improbos properâ manu phaleucos
Misi, Theuphile, Gallicæ Camœna,
Et visa hæc vigilata somniorum.
Dilectæ Staphyles domum petebam.

D

Puel.

Puellis.

Forma perit. Vos huic castæ diffidite mentes,
Virginis in facie floccus inanis inest:
Qualis inest herbis, in quem flos ultimus exit.
Nubite, dum vestri purpurat oris honos.
Sprevit Amata procos nostri pulcerrima cæli.
Perdidit in varis, quo placuisset anus.

Ad Catharinam.

Instaurare thoros horti, Catharina, juberis,
Dum nova vernantes gratia vestit agros.
Pæonia hærebit radix immota: serēsque
Florem, cui Solis nomen imago dedit.
Iam vere exacto folium quia Tulipa mittit;
Perpetuo - florens circum amarantibus ear.

Petro Barenthonio.

Prima, Barenthoni, redit ad cunabula mundus:
Meque sibi totum gaudia veris habent.
Nunc plantare juvat, dare nunc retinacula viti:
Cathrulaque aggestam flore coronat humum.
Tu quò plus vigeas, dicendi pone magistros.
Laudata stimulos otia mentis alunt.

De Staphyle.

Amplexus Staphylen alius dabat oscula obortâ
Nocte, nec in vitis reddidit illa labris.
Vt vidi, nostro valedixi iratus amor:
Iamque face extinctâ nec calor ullus erat.
Flevit. Non potuit satis excusare videnti.
Posset; si dederit, qualia manè solent.

De eadem.

Æ Grotat Staphyle: nostrum rogat illa favorem.
Adversus morbum nil medicina valet.
Spes vitæ in veniâ est, læsi quam poscit amoris.
Si dederis, inquit; reddita vita mihi est.
Quid faciam Staphyle? veniam concedimus ultro.
Namq; mihi consors est proba fraude Tuâ.

De eadem.

V Iderat ut Staphyle nostros, mea carmina, lusus;
Hæc potuit, dixit, scribere noster amor?
Nec tamen esse meus, donec mihi vita superstes,
Aut non Lethæas ille bibisset aquas?
Flevit in his dictis: flens verba novissima dixit:
Ut vir amet, nostram non amat ille vicem.

Ad eandem.

T Am justè dubio, Staphyle, valedicit amori,
Quàm rectè vir amat; si ratione vir est.
Vanus amor Tuus est. Malè dividit oscula mecum
Alter, & est animo carus uterq; Tuo.
Non bene tres ineunt salvæ ea fœdera rebus.
Unius est, Staphyle, fida puella viri.

De eadem.

M E genitam & Catharâ gerulæ cùm vidit in ulnis
Flens Staphyle dixit: debuit esse meus.
Et puerum affata est: poteram Te dicere nostrum:
Fixit & in teneris oscula rara labris.
Dixit & hoc: dum non genitoris sumere possum,
Hæc ille ignarus sumat ab ore Tuo.

De eâdem.

SERTA rosis Staphyle mihi formosissima latis
Misit: & hæc iussa est dicere serva manus:
Si potes, & causa est, dominam cur spernere possis;
Durus odoriferis non potes esse rosis.
Accepi: & tales hera, dixi, præstat amores,
Flore color qualis cras periturus inest.

Ad eandem.

ERror amorq; pari deludunt crimine mentes:
Et quod Te, Staphyle, forvimus; error erat.
Non Tuus; ut niveis premeres mea colla lacertis,
Imprimeresq; labris uda labella meis.
Lex vetat & ratio, ne vanis ignibus urar.
Incæpi, Staphyle, desipuisse. Vale.

De eâdem.

QUÆSIVIT Staphyle, si possem has spernere voces,
Quas inter lacrimas iussa valere daret:
Exuerimne animum, qui non durissimus esset,
Quem sciat humani moris habere satis:
Anne aliis tribuam, quod non speraverit una?
Respondi: sunt, quæ nec Tibi jure negem.

In Paullum.

PAULLUS amat Glaphyran toties à patre negatam:
Et semper rigidas excubat ante fores.
Spernit & in populum Glaphyran & utrumq; parentem:
Et tamen ingenti victus amore gemit,
Nunc etiam miser arma gerit, ferroq; minatur.
Paulle, furis. Ferro non jugulatur amor.

In Gelliam.

Gellia, miscentur non istis usibus herbae:
Nec ferus hic stimulos succus amoris habet.
Toxica sunt rectos animi subeuntia sensus,
Qualibus exitium triste bibentis inest.
Sic astum Alcides deponit in ignibus Oeta,
Dum perit uxoris simplicitate sua.

De Staphyle.

Crediderat Staphyle, flecti me posse precando:
Nec parvum lacrimas pondus habere suas.
Virus erant, paucisq; notis inarata papyrus.
Quàm perit, si quem charta precesq; morvent!
Charta redi, dixi: sed verba hæc nuntia perfer:
Non odi dominam: sed procius alter amet.

Amoris inconstantia.

Inconstans amor est: & quæ nunc pulcra videntur,
Crastina lux sanâ vix ratione prober.
Est amor in morbis: illi quò sævius urunt,
Hoc ægro citius corpore abire parant.
Vt sit certus amor sit iusto fœdere nexæ.
At Tu tam castè, quàm sapienter ama.

Magnifico & Nobiliss. Dn. Joan. Nic.

ab Ahaus. Commis. R.

Ecce Tibi nexu ridet Lucina soluto,
Candide Nicodama. Filiana nata Tibi est.
Hæc tenerum calathos & pensa decencia sexum
Sumserit: & dignum virgine tractet opus.
Fabrica prima Tua est: Tu justas collige vires.
Iam Tibi nascetur, qui petat arma, puer.

Ad eundem.

T*V* prior in thalamos dilecta conjugis isti,
Nicedama: nupsit post Catharina mihi.
Antè Tuos hilarat felix Lucina Penates:
Niritur, & fieri Cathrula mater amat.
Ista Tibi proles sit leta: sit altera deinceps:
Et leve sit Catharæ parturientis onus.

Ad eundem.

F*Avit*, Nicedama, primâ Tibi nocte dearum
Maxima. Tu scrupos, momina, puncta, puta.
Est mea desidies, nixum quod Cathrula differt;
Inq̃ suas numerat Ver geniale moras.
Interea probris subeat vos cura secunda,
Reddere dum gaudet me Catharina patrem.
Carpite jucundos & vos & pignora Soles:
Participetq̃ pius gaudia vestra Socer.
Salve sancte senex venerandi Svada Dynastæ,
Tug̃, avia nomen cū nova pupa dedit.

Aumaro Castio Theol. ἀντιειμιὰ mittens.

C*onjugis* & nostro salvebis nomine, Casti.
Salva domus superūm nostra favore deūm est.
Aspiret justis utriusq̃ laboribus æther:
Mensq̃ sit in seros intemerata dies.
Fert pondus mea dulce mihi. Da candida Mystes
Pro me vota Deo. Iam mea ponet onus.
Sit bona quæ nostras veniet Lucina sub ades:
Det faciles nixus turba secuta deam.
Hæc mihi sic consent: nec sine hæc sola Zamell
Gaudia: sit thalami fors quoq̃ leta Tui.
Ceruleis mitto stillantia carmina lymfis,
Quale Tibi munus, qui mera vina probas?

Si tamen utilis aliqua est & simplicis undæ ;
Non aliquid nostras esse negabis aquas.

Valentino Misconi.

Misco, Cupidineas potuisti spernere flammæ
Hactenus ; inq. Tuo est pectore nullus amor ?
Credo. Puta mecum non vanâ sorte profectum :
Et magnum nostras Numen habere faces.
Sat mea nubiliū sat patria Drusus habebat :
Sed nulla est thalamis inde petita meis.
Vicinam accessi divinæ Virginis urbem ,
Cum coleret templis concio sacra Deum.
Vidi illuc plures cum matribus ire puellas :
Sed nulla est thalamis inde petita meis.
Quasivi, num quæ cœtu non esset in illo :
Et, ruri, dictum est, una parentis abest.
Rus petii : ac fixi non comit in virgine vultum :
Et visa est oculis tota placere meis.
Signaq. Thariadæ famuli cognata secutus ,
Ah, dixi, virgo Tu mihi sola places.
Et placeam, vellem : risiq. nec ægra recepit
Oscula, quæ nostri pignus amoris erant.
Mente tamen castâ votum rejecit ad illos,
Quævis voti arbitrium fas pietasq. dedit.
Vos nunc sollicito, dixi, materq. paterq. :
Assensa est votis mater & ipse pater.
Cum visum fuerit naturæ, Misco, parenti ;
Expedient cædas resq. locusq. Tuas.

De Silvâ puellâ.

Silvia oscula & igneos ocellos,
Nariumq. decus, genasq. uring.

Pur-

Purpurante rosâ venustiores,
Cumq; vertice luculenta honorem
Frontis, ac tenero quod extat usquam
Corpore (omnia ut affabre expolita)
Non proci modò mille amant probantq;
Virgines quoq; mille amant probantq;
Et suum fieri omne id omnis optat.
At nihil referent iniqua vota:
Nec teres facies, decensq; corpus
Conditum sibi conditumve vobis,
Invida vel amore in hoc puella.
Unius dabitur tot hæc procorum
Præda casibus: unusq; fiet.
At Tibi placeant modestiora:
Nec preces juvenum superba temnas,
Perditâ dolitura virgo formâ.

In Gilvam anum.

Non mirum est aptè Te, Gilva, coloribus uti.
Pictor hic est, Rhetor vir Tuus alter erat:

De Staphyle.

UT didicit Staphyle, quibus illi exarsimus, iras,
Et quæ mista mero verba furore dabam;
Ducere si non vult, stat nec mihi nubere cuiquam,
Dixit, & in thalamos ullius ire viri.
Ut decreta tamen stare hæc non irrita vidit;
Ergo, inquit, duram me vetat esse proci.

Lectori.

Vota juvenutis studiumq; imitamur & iras,
Cautius ut versu discat amare meo.

Sponse suā & nullo Venerem doctore sequuntur,
Et dominae subeunt mollia corda iugum.
Qui doceat lacrimas contempnere flentis amica,
Qui doceat placitis abstinuisse malis,
Rara avis in nostris est, lector amice, Poëta.
Si quis erat, multo iudice durus erat.
Aptius ut nocuas depellant carmina flammæ,
Materies lusûs ipse Poëta sui est.

Ad Cath.

Quicquid inest nostris hodie venale macellis,
Sollicitè quereris, Cathrula, pluris emi.
Non nimio pisces, aliquanto est bubula pluris.
Ære licet multo, quod plaga tensa dedit.
Ne tot in unius caderent animalia cœnam;
Has Deus à sumtu iussit habere modum.

Ad eandem.

Cathrula, pistrices & anilem negligè Mormo
Dicere servarum nocte ruente gregi:
Ne puer audierit, cum corda labascere somno
Videris; heroas fare referq. Patres:
Quales divini clarant per secula fasti:
In pia facta puer quò citò missus eat.

Ad fil. Gotosf.

Esse Deum, rutili qui temperet ætheris axem,
Et solum hunc, fili, sit Tibi prima fides.
Pars hominum sequitur mentitos Numina Grajos.
Multum erat his pecoris, plus habuere deum.
Tres colit ille deos: hic duplex Numen adorat:
Et quos non testes hæresiarcha crepat!

E

Nui-

Nititur infando divina vocis abusu,
Dum trahit Argolicas in sua puncta notas.
Mittimur in nugas non semper inane loquentis:
Quò sacer è nostro pectore torpor eat:
Quò stet ad hanc palmam, quam perdit inertia seclì,
Artibus ingenuis, quod meruère, decus.
Nil Gotofrede, dabunt Academica vestis, & aurum;
Si Tibi sudores nil peperère Tui.
Hoc porro disces; triplicis sub imagine formæ
Se triplici Numen nomine velle colì.
Nil simile à nobis aut nostris exige rebus.
Mense est, quæ spatium nescit inire sui.

Ad Catharinam.

Id curant hodie matres, Catharina, futuræ;
Vt celà niteat splendidiore thorus:
Citharico ut jaceat succincta puerpera cultu:
Mentoris ut stratum molle coronet opus:
Vt variantis acùs trahat à discrimine byssus,
Quod pueri in cunis pectora vana probent,
Dum mihi fers uterum nomen sumtura parentis,
Cithrula; adire Deum supplice mente, Tuum est:
Vt stirps nostra polo se noverit esse profectam;
Ad cæli referat, quod geret, omne fabrum.

Ad eamdem.

Parca sub annosâ struimus con virvia quercu.
Prandia majorum respice; luxus erit.
Cithrula, Persarum ridet hæc secula mensas:
Vicit luxuries posteritatis avos.
Excepisse deos fertur moderata vetustas.
Si modò mens casta est; nunc quoq; Numen adest.

Ad eandem.

Palladis in numero requies, Catharina, laborum est:

Septima lux operum nescia, sacra Deo est.

Sex Soles nostros orti clauduntur in usus:

Solvuntur rara publica sacra die.

Quàm segnes animi veniunt sub templa Tonantis!

Quàm vani sensus! quot sine mente preces!

Heic ego non cinctum, non improbo balsama. Turpe est

Velle placere suæ, velle placere suo.

Hoc juvenum. Turpe est reputare senilia corda,

Quo censures sint, quo gravis arca lucro.

Effuge sacrilegas inter pia munia curas.

Non aliud crimen pectora majus habent.

Ad eandem.

Musca genas fodiat: mus nostra cibaria rodit:

Ambit fur nostras insidiosus opes.

In nostras animas quot eunt, mea Cathrula, turme!

Instat eas Erebi perdere tota domus.

Ad eandem.

Sæva fores nostras insano dextera pulsu

Concutit. Id gravius ne, mea vita, feras.

Tam terrico strepitu mortis, Catharina, monemur:

Quæ serò veniat, seu citò; certa venit.

Tu prior in tumulum referas senis ossa mariti,

Numquam non fatum docta timere Tuum.

De Mergâ.

Oscula Merga dedit: Larginus reddidit aurum.

Sic nimum miseri est Merga potita bonis.

Nunc amat illa Tulin. Tulin illi verba reponit
Omnia donanti. Quis neget esse deos?

Amor cæcus.

Vos tristes utinam fugerent, bona pectora, flammæ,
Nosset & ingenium cæca iuventa Tuum,
O furialis amor! Quid. n. nisi noxia tela,
Mittis? in exemplo est perditus Hippomenes,
Funestusq. Paris. Quàm sunt felicia corda,
Riserunt memores qui sua damna senes!

Oculi fallaces.

Quàm vanis ducibus perit inconsulta iuventus!
Quicquid amant oculi, jam satis illa probat.
Sive animo lateat vitium, seu veste tegatur,
Inquiri facies insidiosa negat.
Dicere cum poterant: species non sufficit oris;
Apparet cautis, quot mala celet amor!

Puellarum ingenium.

- 1 INcestos Myrrha referebam nuper amores,
Corricoq. ut rigido texerit ora deus.
- 3 Dixi, quos Thisbe quos Pyramus hauserit æstus,
Verius in facis pectora iuncta suis.
- 2 Vana puellares accendit fabula mentes:
Pluraq. de Paphis ignibus orsa rogant.
Phyllida quam nimius pueri consumserit ardor,
Dum Pandionia nectit in urbe moras.
His addo miseros ignes Ceycis & undas,
Et casum Alcyones, aquoreasq. domos.
Fatum omne ingemino quodvis miserabile casu.
Formosa lacrumis immaduere gena.

Non

Non tulimus. Memoro ranarum protenus ortum;
Vtq; pigros habitet rustica turba lacus.
Riserunt omnes. Cor habet tractabile virgo,
Diximus; ingenio flectitur illa viri.

Ad Cathar.

Non Rubicella meo vanum est in carmine nomen.
Materies lusûs, Cathrula, vera mei est.
Laudaram faciem, quod possem nosse puella
Ingenium. Flammas credidit esse meas.
Iactabat nostri spretos sibi Vatis amores:
Iactabat pleno gutture mater anus.
A decimâ sextam numerabat ineptula messem.
Rusticitas matris, Cathrula, major erat.
Quantum est, è stultâ cognoscere matre puellam,
Et sexum tenui discere laude Tuum!

Virgo ornata.

Colligit è variis orna: puella tabernis,
Quo satius niteat, cum fora lata perit.
Deme illi, Oceano quas eruit India gemmas,
Quod mittunt Seres, quod dat odoribus Arabs.
Non faciant illi textorum stamina byssum:
Non variet doctâ pallia sartor acu.
Turgida delumbes non cingant sformata pygas,
Nec molli soleâ vinciat illa pedem.
Deniq; quo placuit tantum, deponat amictum:
Inspicias; poterit flore placere suo.
Lumine lustraris avido licet omnia; dices:
Majus habet sumtâ veste puella decus.

Ad filium Gotofr.

Incideris olim nostris si, nate, libellis:
Legeris & si quid Musa Venusq; dedit;

Esse meros lusus dilecti crede parentis:
Qualibus exacta esse nubila saepe dies.
Qualibus Aonii fallunt sua tempora Vates:
Qualibus haec fingunt, quae placuere, geri.
Forssitan his inerunt, quae non ego vera negarim.
Non exors vitii nostra iuventa fuit.
Flagitium exosus nostros tamen inter amores,
Illicitas fugi patre monente faces.
Ve sancte exuerem contractam pectore noxam,
Esse elata mihi tota paterna domus.
Natorum primus reliquorum lumina pressi.
Tos fuimus, Musas quot mea turba colit.
Numinis haec in me bonitas: qui, nate, docerem
Te quoque; quam vester sit male-sanus amor.
Carmina ne spernas: si videris improba, dices:
Sunt ea, quae virus dixit habere pater.
Cum monitu incertos nostro vita veris ignes,
Servatum patri Te pietate feres.
Ne temere ducas uxorem: respice mores.
Caetera quae fuerint, haec leviora puta.
Parce meas matrisque, Tua turbare favillas:
Et prohibe, violet ne peregrina manus.
Sic Tibi conjugium felix sit tempore longo,
Et cineres conjux miscat una Tuos.

Ad Cath.

INvidia stimuli quid praestent, Cathrula, noris.
Invidia crevit munere noster honos.
Nescio quid nobis genitali rure negavit,
Sumere ab immenso quod tamen Orbe dedit.
Sint aliis quaquam secunda novalia, silva:
Et pecus ad noti pocula fontis agant.

Ignorem, patriam qui stringat terminus oram
(Ignoro culpâ nil, Catharina, meâ)
Me per Hyperboreos mittunt mea carmina saltus;
Me legit ad ripas Santo Ligurq, suas.
Nostra Caledonium mundi vendere sub âxem
Texta, nec extremos Seras adire timent.
Dulce bonum invidia est, nec inanes flagrat in usus.
Scandimus ætherias hac faciente domos.

Ad eandem.

Alma viret tellus; nostris rosa vernat in hortis:
Iamq, suas arbor facta colorat opes.
Advenient istos condentia tempora Soles,
Cum nix florentes vestiet alta thoros.
Et nobis instant hiemes, Catharina, rigentes:
Næ Tibi. Me primæ corripuere nres.

Ad eandem.

Ecce Tibi nostro demessum pollice florem:
Purpura cui fulgens, Cathrula, nullus odor.
Consertis me digna Tuis debere fatebar.
Tu quoq, cum dederas, poscere visa mihi es.
Te propter thalamos horti lustravimus omnes.
Inventus folio rarior: ille datur.
Adspice tam stupidi formosum floris honorem.
Divina est species, sed quasi mente carens.
Et nostro in genere est, Regum quod scepra deceret,
Si mereat facies & sine mente color.

Ad fil. Gotofr.

Credere Teutonicis noli, Gotofrede, Poëtis;
Si Vates hic est, quem mera pota jurant;

Qui

Qui Phœbum in vino, Musas in nectare ponit,
Castaliâ lentâ vite cœrcet aquam,
Per silvas fertur bacchantum mere quietas,
Et castum insano pectore versat opus.
Tu cale divinas sincerâ mente puellas:
Tu cum Tithoni conjuge surge, puer.
Quos Tibi commendo, Latiales respice Vates.
Ennius arte rudis, non Maro, potior erat:
Pocula nec Flaccus nec amator Naso probabat:
Quiq; fuere pares, abstinuere mero.

Ad Gofinum Malluccium de Marro.

MArrus, quem capitis nives verendum
Fecerunt humili, Gofine, plebi,
Idem (ceu perhibent amiciores,
Qui nobis aliquid videntur esse)
Patronus graviar Catone prisco,
Crasso commodior patronus, alpha
Turbae caufidicæ, vorago legum,
Iurisq; furies Decemviralis
In pupæ thalamos recentis ivit,
Cui Sol undecimum laborat annum.
Miratur populus, Gofine? Tuq;
Nullum crimen habet, Gofine, Marrus.
Non illi Proculeiana cordi
Vnquam secta fuit: putare menses;
Quos deducta domum viri ad Penates
Solvat virgineam puella zonam,
Omni tempore fas negavit esse:
Viso corpore quid licere possit,
Affirmans oculis liquere sanis.
Inspexit, puto, Cassium secutus.

In Ursulam.

Flilia nasuta nasutior Ursula matris,
Quis Tibi Te faciem dixit habere deæ?
Iactari sermone Tuo jam compita narrant:
Ridet & auscultans patria verba puer.
Stulta nimis virgo, non hoc Venus aurea naso est;
Si qua habitat terras, si qua recepta polo est.
Sed fuerit nostris nasutum Numen in oris;
Tam fœdam faciem nulla puella colet.
Hoc subiecta deum pedibus Tibi sidera dicent:
Divinam faciem majus habere decus.

Ad Catharinam.

Sit Tibi nocte quies: sint dulces, Cathrula, somni:
Nec turbent animum somnia vana Tuum.
In strepitu muris, lapsus solis, inq. lacratu
Excitor: & toto corpore somnus abest.
Indignor minimè, sed grata silentia capto:
Plus quibus ætheriæ pectora lucis habent.

Ad eandem.

Rocca mihi scripsit: misas lege, Cathrula, ceras.
Ausoniæ patrios rursus anhelat agros.
Sæpe mihi Venetos, Cretæq. probavi Oaxen.
Hac quoq. rura petet, quæ genuère Iovem.
Dilecti celebrat Musas bis quinq. Zamell.
Et rides? Tecum tot putat esse meas.

De filio Gotofr.

Tres mea Versifices peregrini tecta petebant,
Visuri Vatem; quem sua Drusus amat.

F

Ipse

*Ipsæ ego non vidi: vidit puer, atq; amethystos
Splendenti naso dixit habere viros.
Pallia longa humeros, caput amplâ pileus orâ
Tēxerat, inflatas hispida barba genas.
Quem vellent, qualesve forent, stirps nostra rogabat.
Versifices, reddunt, cum patre velle loqui.
Tum puer: admitti non commoda corda negavit:
Ite viri: versus nam facit ipse pater.*

De eodem.

*F*Ervidiore die nemorum loca celsa petebam:
Et consors ibat cara, puerq; comes.
Parvulus ut vidit Solis matura sub æstu,
In tenerum misit fraga revulsa sinum.
Sudabat multum. Si rite vacaveris, inquam,
Parve puer; reddet plus Tibi docta quies.

Ad Cath.

*P*ontificum cœnas & Regum prandia nescis:
Structorisq; probas fercula sola Tui.
Nec Te delectat plus mensa potentis amici,
Cathrula, quàm nummo quæ venit herba Tuo.
Agnosco genii mors & gaudia nostri,
Sine aliis unctæ, dum mihi vivo, dapes.

Ad eandem.

*C*athrula, si nosses frugalis commoda vitæ:
Qualia non vulgus commoda sola putat;
Rideres nimium mercantis inania sumtum,
Et ventres saturos fetidiorẽ cibo.
Mensa licet simplex & Apul nescia legum
Sit mihi; nil olida, Cathrula, sordis habet.

Ad

Ad eandem.

V Ir malus, everfor fidei, contemtor honesti,
Qualis civili cedit abiq; foro,
Cathrula, cum tequi cinctum me vidit amictu;
Sumere cum potuit, quò pudor, inquit, erat?
Cudi vi, & quâ, inquam, mittunt in veste pudorem,
Ad quorum pingi nomina Furca solet?

De filio Gotofredo.

V lderat ut duci puer ad suspendia furem,
Quâq; trium summa est, hac trabe obire diem;
Quid, rogat, è portâ dependet furcifer altâ?
Atq; illi perpes sub Iove somnus erit?
Sape fores, dixi, fregit sub nocte profundâ:
Hinc requiem in portâ sub Iove semper aget.

Ad Cath.

N unc juga glandifera superamus, Cathrula, silvâ:
Nunc streperas imâ vallis adimus aquas.
Respice res hominum venturaq; secula confer:
Fascibus & sceptris hic abit alter adit.
Resti est ingenii, vitream contemnere sortem;
Et solidis niti perpetuisq; bonis.

Ad eandem.

C oncludit raros venantis inertia pisces:
Cathrula, Tu noxam desidiaq; vides.
Negligitur magno jaculi ruptura patentis:
Confudit maculas parva lacuna duas.
Exiguo poterat lino, vel cannabe. Nostra
Instrumenta domûs inspice, remq; puta.

Ad filium Gotofr.

I Puer, ut docto sudes in pulvere ludi.
Qualem Te volumus, culta Lycæa dabunt.
Nate, satis non est patris sub pollice fingi.
Gratulor ingenio tempora nostra Tuo.
Est vir amans patriæ, vestros qui respicit annos.
Hoc faciente docent, qui didicere prius.

Ad Cath.

Quicquid habes lini, quicquid mea Cathrula panni,
Munere seu nostro, si ve parentis habes.
Nil Tibi donavit juvenum contentio dives.
Gemma Tibi nostra est, aut ea matris erat,
Hoc alia jactent, quid præstent oscula vobis.
Plus Tua simplicitas integritatis habet.

Ad eandem.

Consulvère meis patriæ bona pectora Musis.
Quod decus inde meum est, hoc tribuère Patres.
Oria fecerunt: quibus excoluisse licebat,
Natura vixit quod bonitate mea.
Cathrula, nunc operas rerum sub pondere poscunt.
Quid faciam? gestæ laus quoque magna Rei est.

De eadem.

Carina quid mereant, nuper Catharina rogabat.
Respondi, placidos hæc meruisse deos.
Non satis est, reddit, licet horum sumtibus edas.
Subjeci: lentos fors habet æqua gradus.
Nec subito nostri sedere in culmine Vates,
Quorum nobilitat nomina factus eques.

Fortè meum Vates carmen recitaverat alter
Axelio, quem nunc maxima Roma timet.
Ignoti primum laudavit texta Poëta:
Integrus posthac ipse rogavit opus.
Inde meas totus vexit Septemrio laudes.
Nescis, quid maneat vota datamq; fidem.
Iam veniet magnus jam talia dicet amicus:
Hæc Tibi sic Gothici constituere dii.

Ad filium Gotofr.

Nate, mihi attendes patri non falsa monenti:
Leucothoës primum de venerare iubar.
Apta leges, iterumq; leges, iterumq; revolvēs.
Certius hærebunt manè relecta novo.
Non Tibi nocturnas adimo pater improbus horas.
Cum Sol occumbit, Te quoq; conde thoro.
Nec Tibi commendo fractum post prandia tempus.
Dum puer es, studiis sufficit hora Tuis.
Ludere permitto, sed lusum admitto decentem.
Nec Te cum quovis ludere, nate, volo.

Ad Cath.

ET poteras aliam (sic me Catharina rogabat)
Parte Tui ablatâ, quæ Tibi cara satis?
Cum mihi non posset reddi carissima, dixi;
Illius optabam Te, Catharina, parem.
Dimidium sphaeræ videor mihi, Cathrula: Tu pars
Alterâ: conjugii fœdere tota sumus.

Ad eandem.

AN qua sit in Magico vis improba carmine, queris.
Cathrula, nil artes hæ nocuere bonis.

*Thesfala Lunares mentitur saga labores.
Quò rhombi & pelves? vana ea cuncta vides.
Non nego carnifices cælo parentis Avernii.
In Tenil juris corva Cyathis habet.*

De filio Gotofr.

*T*Ota domus mecum crustacea prandia cancos
Ederat: his vesci Carbrula sæpe solet.
Naribus inducens cestam stirps nostra rubentem,
Ecce pater nasus sit mihi qualis, ait.
Tu cave, respondi, ne talem Cæcuba reddant:
Et Tibi sit nasi liberioris amor.
Illo ne ducat Te vel suspendere alter.
Hunc faciunt vobis prima Lycæa dolum.
Fraus quoq; sit patribus: struiturq; hæc machina doctis.
Sæpe puer visus discere dediticet.

Thurio Pædagogo.

*R*Elligione piâ nostrum genus imbue, Thuri.
Instrue sinceris moribus, arte probâ.
Crede mihi, Thuri; Te spes educere nostras,
Te civem patriæ condere, herumq; Lari.
Mille ruunt animæ solo torpore docentum:
Mille ruunt aliæ, cùm mera doctor amat.

Eidem.

*N*On quid Tu nôris, nec quàm sint æmula Crasfis
Ora Tibi, ex studiis scire laboro Tuis.
Facta fides, Thuri, est. Hanc pompam mitte theatri.
Vt puerum doceas, quæ potes; hoc volumus.

De Cathar.

V Idit ut inversum cognomen Cathrula nostrum,
(Vulgarat scriptis quale Poeta malus)
Nataq; repretis ac stridula carmina legit;
Et taceas, inquit, parq; referre neges?
Par referam? dixi: cognomen turpe Poeta est.
Converti in nomen mitius ipse velit.

Ad eandem.

O Diego ventosum, quem monstro, Cathrula civem.
De censu loquitur, divitiasq; crepat:
Inventus nemo, qui tam putet esse beatum.
Mentitur solitus nil mediocre loqui.

De Cathar.

I Re per Elbingum thalami cum compare flumen.
Institeram: puro lumine Phœbus erat.
Quale fuit, Daphnen quoties spectabat amicam;
Quale, ubi Lencetbœus ausus inire thorum.
Cymbula cum nostris stabat religata canistris,
Quodq; manus nuper servit Ibera, mero.
Iussa dabam famulis intra penetrabile relictis
Vleimus accelerans, quod meditabar, iter.
Protenus infestis ruit arduus imbris ether,
Abstulit & rotam nox inopina diem.
Ferre modesta quidem, sed mæsto lumine visa est
Cathrula; cui dedimus qualia verba jurant.
In fine adjeci: pluvia est hac utilis agris:
Non semper Soles noster agellus amat.
Disce, quid expediat. Faciles mihi deprecor auras,
Si nihil ad ver si nilq; furoris habent.

Vox

*Vox sapientis erat: miserum se credere solum,
Quem numquam miserum viderit acta dies.*

De eadem.

Cathrula quærebat: si sunt in amore choregi,
Nosq; movent oculi, telaq; figit Amor;
Lumine cur vestri casum finxere Poeta?
Esse, inquam, cœcum, vel satis inde patet.
Namq; duces sequitur bona sæpe incerta secutos:
Nec regit hoc telum, quod jaculatur, Amor.

Ad fil. Carolum Theodoricum

hoc ipso anno, IV. Id. Iulii h. II. pom. recens natum.

Sole sub hoc primùm salve mihi, Carole fili:
Dicere quem frater sic Gotofridus amat.
Hoc Tibi sit nomen, juris sine fraude paterni.
Namq; mihi patri Tu Didericus eris.
Pars datur una mei Tibi nominis, altera fratri
Heret. Ad arbitrium vivat uterq; meum.
Est & divinum vobis, mea pignora, nomen.
Quippe Did & Got sunt quod Deus atq; Deos.
Servat eas rudium voces Germania patrum.
Vos sanctæ foveat simplicitatis amor.

Ad Cathar.

Lacte Tuonatus, Catharina, fruatur alumnus:
Vulgateq; jube corporis ire lupas.
Suppositi capris agni mutantur in hœdos.
Degenerat, succus quem meretricis alit.

In Marculum.

Marcule, si condit noster puerilia Vates.
Qualia sunt, quæ Tu deteriora facis?



Mantissa, quæ his lusib. anno M.DC.XL. accessit.

Ad Elisabetham à Platen cognatam, cùm matrimonium ipsi rite pacta esset anno M.DC.XXX.

Sanguis eras noster: pars nunc eris altera nostri:

Vt focare meo, dulcis Elisa, thoro.

Ignores? cùm Te sublatam his gessimus ulnis,

Septimamensis abit. Puera novennis eras.

Tunc conjux arrisit anus securæ futuri:

Et, vir quàm velles, addidit, esse Tuam.

Nec prolem adjecit: patuit de prole locutam.

Atq; utinam, dixi, nostra puella foret.

Non ego crediderim per talia sacra futuram:

Nec Tu, conjugio me superesse Tuo.

Si Tibi non gravis est Sponsi maturior ætas;

Si Tua, quò cepit, stabit amore fides;

Inveniam, quo Tu traducas molliter ævum;

Et Tibi partem animi dulce sit esse mei.

Cùm aut autumnalibus diebus iter faceres.

Quid querimur stolidi, quasi non mortalia curet,

Nolle loqui nobis aut dare signa Deum?

Per Vates responsa suos cùm multa dedisset,

Misit & ex ipso se genitore satum.

Imbribus & flammis loquitur Rex ætheris alti:

Quid velit hinc Euris indicat, inde Notis.

Quid restet? quo deinde modo cum pulvere vili,

Qui celi & terræ res moderatur, agat?

Quid non à Superis herbâ moriente jubemur?

Qui flos non garrit, cùm tepuere dies?

Ad liberos.

Quicquid

Quicquid erit, nati, quod vobis morte relinquam;
Sufficiet vobis, si probus usus erit.
Vnde salus tota est, animos defigite cœlo.
In nostris animis vult habitare Deus.
Hunc si concipitis, quodcunq; negaverit Orbis,
Vanum erit: at solidum, quod dabit ille, Bonum.

Elbinga.

sive

IN GLEBA.

IN GLEBA Elbinga est. Hoc pingua culta loquuntur.
IN GLEBA nomen (quis putet?) urbis inest.

In Artemidorum.

Omnia mentitur, sed & omnibus Artemidorus
Annuit: & jurat sidera, sacra, deos.
Nec tantum facit hoc quoties vorat allia fabrum.
Sed medium ad Ianum, sed facit ante deos.
Vester erit, quotquot per iurgia ducitis ævum.
Vilis in Caussis Artemidorus homo est.

Famulae migrantes.

Migrant ancille: major mea transit ad Hircum,
Iunior ad Vulpem. Quanta minatur hiems!

De Marculo.

Fæstus erat locuples è parvo Marculus horto.
Protenus est pomis confitus omnis ager.
Septem ierant anni: nihil ingens reddidit hortus.
Nunc totum dominus vendit egenus agrum.

De Delia.

Delia cum toto luxisset mense maritum;
Quò lacrumæ, dixit, quò furor ille meus?
Et juvenem ut vidit, qui formosissimus esset,
Inde mei dolor est, hinc medicina mali.

Sic ait, & vultu pellexit & omnia passa est,
Tristitiam ex animo quæ penitus ruerent.

In Cassenium.

Semper, Casseni, Tecum Tua litigat uxor:
Quam tanta causam litis habere negas.
At cum Te sciret notum omni fornice, nupsit.
Arréxti in lustris: non potes in thalamo.

De Nobili & Tribuno militari,

Dixerat armato generosus stirpe Tribuno:
Ede mihi, fuerint quæ patris arma Tui.
Miles adhæc: non piæta mihi sed vera reliquit
Arma pater: quibus huic & mihi partus honor.
Hæc proavi si fortè Tui gessere, quid ad Te:
Qui jactare mihi non nisi piæta potes?

In Hinnulam.

Pvlcra fores, brevior Tibi si foret, Hinnula, nasus;
Scrictius os, si frons lata, ruborq; genis.
Hæc Tibi sed desunt, ac toto livida vultus es.
Adde, quod & scabro es dente, nec ungue probo.
Vis formosa tamen, vis non ingrata videri.
Hinnula, fumum oculis vendere, difficile est.

In Postumum.

Quid mihi Romanum jactas Te, Postume, civem?
Pertinet ad titulos urbs nihil illa Tuos.
Ut taceam, quodd nil Latio Tibi frondet in agro,
Adspicit in totâ Sol nihil Vrbe Tuum.
Exiit Elbingam qui bis sex mensibus exest:
Tu bis sex menses Postume ab Vrbe Remi es.

De Septimianâ puellâ,

Si mustum Tibi sum, si mel sum dulce, quod inquis
(Dixit amatori Septimiana suo)

Respice

Respice me: detrita Tui sunt vincula mellis:
Nectaris ecce lacus testaq; rupta Tui est.
Ille suum nectar cum nollet perdere melq;
Accepit tunicas Septimiana novas.

De jure feudali.

Ponite de manibus feudalia jura, Poëta.
Quid vobis confert Allodialis ager?
Quid tetricæ voces, lingua mera monstra Latina.
Quasq; vel Ostorum Tullius esse negot?
Audieris Labeo; Romanam dixerit Urbem.
Iam tum seu Rugios sive tenere Gothos.
Tota suo jaceat lex Longobardica cæno:
Vnus Marcelli plus mihi cento valet.
Barbariem discant, qui res odere Latinas.
Quosq; juvat Getico promptius ore loqui.
In Crappium fCtum.

Cum Iuliano attenderem & Pomponio
Intellegebam, quod Latine dicerent.
In Crappium post Iureconsultum incidi
Sed barbarum, sed qui videri acerrimus
Enucleator vellet hujus, illius,
Et plurium, qui jure de Quiritium
Responderant. Rogatis an profecerim?
Minimè: sed horam unam alteramq; perdidi.

De Parthenio.

Novit Parthenius tota quid in urbe geratur:
Quot numeret Paulli filia clausa procos.
Novit & hoc; quid Cæsar agat, quid Cæsaris hostes
Confisi Daco milite sive Gotico.
Vnum est quod nescit, quod balnea nostra loquuntur.
Vxorem, cui non sufficit unus, habet.

Ruris Lenzani amœnitas carmine 2ologædlo celebrata
anno virg. part. M. DC. XXXVIII. Id. Quint.

Frid. Zamelio tunc temporis Iudice terrestri,
pagum hunc inter summam frugum ubertatem ingresso.

O Mne nemus superat Lenzani gloria ruris:
Quicquid post Danaos Ausonis ora probet.
Cum æos etenim referet Campania colles:
Laetabit valles Pindus & Ossa suas.
Rupibus è notis heic incola prospicit ingens
Æquor, & in lætis vallibus urget opus.
Sunt illis liquidi nec egentes piscibus amnes:
Gobius extrema corpora plebis alit.
Si platani desunt ac laurus Apollinis arbor;
Est pecori, est ipsi quercus amica Iovi.
Sæpe mihi fesso dedit ardua fraxinus umbram:
Aut somnum strepera conciliastis aquæ.
Et tamen evigilans Clarias quasi raptus ad undas
Cantavi patrios ausa movere deos.
Humani generis canent alimenta per agros:
Qualibet à pomis villa pyrisq; micat.
Iam cerasis honor est: jam mitia fraga legantur:
Dum manus assiduas nulla molestet apes.
Implentur tepidi passim mulctralia lætis
Vbere ab armenti lanigeriq; gregis.
Turdus inest silvis: sunt & sua pabula turdo.
Post messem hoc uncta est nostra culina cibo.
Ista satis: quamvis oculi si plura requirunt,
Lustrandi ex alto si subit Orbis amor:
Hæc Tibi præstiterit sacra mons proximus Ædi.
Qua Cori regio est, urbs Gedanæa patet.

Africus

*Africus à lævâ Marianas exhibet arcēs:
Heliadum locus est ad Boreale latus.
Hoc quodcumq; vides velut uno luminis ictu;
Est, quo nil majus Lunaq; Solq; vident.
Ite mei Vates Latii genus atq; Pelasgi:
Sunt quibus ignota Drusidos urbis opes.
Non mihi sunt Tempe Bajanaq; littora tanti.
Maxima Lenzani gratia ruris erit.*

Ad Gotofredum filium de Elephanto.

A*rduus Eois Elephas delatus ab Indis
Primus in his terris ære videndus adest.
Venit & in nostram teētis de navibus urbem,
Spectatum pueri, fœmina, virq; ruunt.
Audaces manibus tractare proboscida longam,
Mirantur docilem procubuisse feram.
Equales sine fraude tuos in grandia dorsa,
Sublimes pecudis ipse magister agit.
Ut spectes, i missus ed; natuq; minorem,
Sollicitâ tecum duc Gotofrede manu.*

De pupâ citharistriâ ἀυλοπαιστῶ ad eundem.

N*ixa rotis, quales se trudent arte magistrâ,
Increpat argutam cerea virgo lyram.
Sæpe genu flectens moti movet ardua vultûs
Lumina, & in pictis itq; reditq; togis.
Vise puer. Flexo cûm poplite fortè canentem,
Vidit heri quidam, flexit & ipse genu.*

*Ad Catharinam conjugem,
cûm piscatura Præfecturam sortitus esset.*

P*er juga per silvas invec̃ta prioribus annis,
Injuncta Alpestris cûm mihi cura loci est.*

Disce

Disce lacus humiles transmittere Cathrula mecum.

Sapeq; piscosi littus adire maris.

Respondi Patribus, cum me hac tractare juberent:

Rupibus in medium precipitamur Habum.

Ad eandem

Cathrula si moriar, Tibi commodaprima relinquam.

Non Tibiquærendus munere Caesar erit:

Vt Tibi jura trium natorum indulgeat. Adsunt.

Est Gotoliba Tuo, est Adelogunda sinu.

Et Theodoricus juxta Tibi Carolus hæret.

Sunt & si modus est, queis foveantur opes.

Ad Thelgontem piscatorem.

Improbe Piscator, Reges Tua munera quærunt.

Mitte sub astrictum retia panda mare.

Sit licet infirmo glacialis tergore pontus,

Ultimus hac glacie salmo trabendus erit.

Hunc Rex hunc poscit Regina puerpera piscem.

Te præsens Thelgon Numen habere puta.

Ad Reginam Floram Cognatam,

In Sponsaliis ejusdem cum Nob. & Stren. Ert. Turco.

V. Trib militari.

Jam thalamis es pacta novi, Regina, mariti.

Quid dicam? Turcæ nubere Tune potes?

Quærebam ex ipso: Turcam se est ipse professus.

Hac pater est, inquit, gente domoq; meus.

Sunt Turcæ immites: in Te non leniter ibit.

Crede mihi, flores obteret ille Tuos.

Cum semel admissus tepidos intraverit hortos,

Perfodiet totum vir truculentus agrum.

Pallentes animo curas subiisse putaram,

Cum vidi in risu rem placuisse Tibi.

-liber

Ad

Ad eandem.

Cum Tibi sit facies; qualis, Regina, dearum est;
Quid tenui sumas à Phrygionis acu?
Flammea quid possint aut candens addere byssus?
Quod nux est, estis Tuq; paresq; Tui.
Sunt calyces vestrae sunt vana putamina vestes.
Amovet has fractâ ceu nuce noster eques.

In flagitiosum.

Ne videant homines, inter penetralia peccas:
Et modò si fama est factâ, timore vacas.
Stulte, quibus latebris mentem, quæ conscia rerum est,
Exuis? aut sine Te, vel sine teste Deo es?
Nulla fides oculis illo est sub iudice nostris,
Si tantum hos testes integritatis habes.

Ad Catharinam Conjugem.

Fluminis Elbingi, mea sors, Drusiq; palustris,
Et Nogadi, & patuli sum moderator Habi.
Grandia monstra maris nostras mittuntur ad aedes:
Mittitur & labrax, gobio, bdella, salar.
Sæpe mihi pingues portat piscator alosas:
Sæpe amia, alburnus, carpio, perca venit.
Iam Zeiræ mustela datur, jam Surgidos almi
Corbibus in plenis cancer alumnus adest.
Tu cave, ne partem prædæ libaverit alter;
Hic nisi, qui patriæ curat amatq; Bonum.
Sunt qui manè novo, qui pronâ luce salutant.
Non amor hoc nostri, prædæ sed ista facit.

De Reginâ cogn.

Frigore depulso jam mitior aura ruebat:
Et tamen in patriis nix erat alta jugis.

Egredia-

Egrediamur, ait Regina, nivesq; per istas
Supremum hoc anno stridula rheda volet.
Sedimus. Vt scuticam sumsit sibi frœnaq;, dixi:
Non habet aurigam Iupiter ipse parem.

Ad Catharinam conjug.

Liquuntur Catharina nives, raramq; ministras
Vda tepefacto terra sinu violam.

Quid petis apricos mea per vestigia colles?
Effeda clausa subi. Sol Tibi vernus obest.

Semita cœnosa est, & inanis gleba fatiscit.
Da calathos: quantum jusseris, ipse legam.

In Thasium.

Ipse sibi Thasius facit omnia. Fabricat ades
Ipse sibi: vestes consuit ipse sibi.

Ipse sibi patinas è limo fingit & ollas.

Dum facit hoc, patrias ipse profundit opes.

Non facit hoc Thasius, quod deniq; sufficit unum.

Quâ pereat, restim non facit ipse sibi.

Ad Margaretam cogn. in nemore.

Expectora simul inter hæc suspiria
Quodcumq; cordolū est Tui, mea Margaris.

Quid Te domesticum indies urit malum,

Quod omnium est commune, quotquot ad penus

Maritus, uxor, liberi consedimus.

Penatium unorum, maligna seculi

Conditio, pertinax furor servæ manūs,

Vicinus asper, aut amicus subdolus?

Æquâ ferendum est mente, quod lux auferet

Hodierna, crastina, aut quæ erit perendie.

Hiemem hoc nemus mœrebat integram. Viden?

Vt se recentem ru. sus in florem induat?

Et tu Tibi asserenda crede gaudia.
Fortuna rerumq; omnis universitas
Indigna, nostrum quæ fatigent spiritum.

De Catillo.

Per placidum fontem, sed qui stagnaverat agro,
Fecerat hei noctu Mysta Catillus iter.
Alta palus hausit nequicquam tuta petentem.
Et tamen hoc factum, vix erat ulla fides.
Hebraeos crepuit per singula Sabbata fontes.
Plebs ad vulgares isse negabat aquas.

Ad Carolum Theodor. fil.

Carole, non satis est patri auscultare monenti.
Et sua pulvereus commoda ludus habet.
Sume librum tabulasq; tuas, absterge lituras.
Munda toga, & solea est, osq; paresq; manus.
Quò ducam, schola nate propè est: dat amygdala, ficus.
Dum frugi generis pensâ magister obit.

Ad Cathar. conjug.

Quod Catharina mihi mutato sæpe Charillis
Nomine seu Cathara es, seu olim ipsa Charis;
Non inopes nostri versùs fecère lacuna.
De Te qui fingit plurima, fecit amor.
Et Catharillidi erat dandum & Charitillidi nomen.
Sed breve sit, dixi, quod Tibi sæpe damus.

Ad Cordulam cogn. inter nemora.

Videris: at vidisse lupum Te Cordula clamas.
Quid metuas? comitum bis Tibi quartus adest.
Exiguum nemus est: quod cùm superavero Tecum,
Piscina lentas funda subibit aquas.

Dentatos mea turba lupos monstrabit ab unclis:
Inq; Tuas veniet copia grata manus.

Ad Catharinam conjug.

Nescio quid verne, mea lux, jucundius aure.
Quàm Sol decedens canaq; messis, habent.
Tunc se purpureis ostendet Liber in uvis:
Sub Cereris regnum frugifer annus eat.
Sola mihi pecudis Phryxæa sidera rident,
Et quæ Cretæum promovet hora bovem.
Hoc totum est animi: sunt corporis illa fovendi
Tempora, quæ subeunt: qualia segnis ago.
Salve veris honos, salvete exordia mundi.
Patribus hos priscis credimusisse dies.
Erremus, mea lux: plus desipere mariti,
Quos tamquam verni temporis uffit amor:
Iam rerum saturos jam pulcrâ prole beatos
Tam lati auctumni nulla cupido movet.

De Gotofredo filio.

Lilia vicinum pingentia viderat hortum
Maximus in natis primaq; cura meis.
Laudavit florem: sed tactus odore roseti,
Et formosa rosa est. & bene, dixit, olet.
Huic ego: bis sextum vegetus puer exigis annum,
Ut gratum spires, mens bene culta dabit.

Ad Carolum Theodor. fil.

Si dederis aurem primùm mihi, deinde magistro;
Veneris è ludo doctior usq; domum.

Missio cum fuerit vestri seu mense Decembri.
Seu tunc cum lata tempora messis erunt:
Iam glacie astricto mecum spatiaberis alto
Asserturus Habi, nate, patentis opes:
Iam gracilem in tremulis remum lentabimus undis.
Tunc quoque piscantum pars quotacunque gregis.
Squamigerum nosces inter sua nomina cœtum.
Heic capito, heic myrus, troëta, silurus erit.
Mittemus tincas & vulgus inane rubellas:
Nos lupus aut pinguis, Carole, pascet esox.
De Druso lacu.

TEndite, dixi operis, sub inerti retia Druso:
Duret & hic vobis nocte dieque labor.
Sed mihi nocte lacus præcinctus arundine densa
Adstitit in somnis: verba querentis erant:
In campos abeo, cannâque obducor & ulvâ.
Quid me sollicitas? quid dabit agra palus?
Ad Gotofredum Hegnitium Gorl. J. V. L.
Hoc amor, Hegniti, est: quo se omnis sustinet Orbis.
Hic columen regnis præsidiumque dedit.
Felices populi: quibus est in amore voluptas!
Quos inter causas non habet ira suas!
Inde est, quod luimus, nobisque elementa repugnant.
Sincere quod vix unus & alter amat.
Mitte alias gentes: patrium modò respice fundum.
Marti honor est: aram non habet unus Amor.
Tam placidum quocumque deum sub sidere quæras.
Huc ades: & nostro sub Lare regnat: ama.
De Puellis.

Verba iurant aliquid, plus flectunt dona puellas.
Quisquis cum verbis dona dat, ille litat.

Ad Catharinam conjug.

Exime nocturnos pueris, Catharina, pavores:
Ne se in conspectum capnio teter agat.
Nec Lemures narret famula stultissima turba
Barbara se nullâ nocte datura foras,
Nec cella subitura gradûs, nec sola cubile.
Sed procûl a tectis serua sit ista meis.

Ad liberos.

Effuge quod fœdum est, mea gens, olidasq; tabernas.
Turpe mero noctem frangere, turpe diem.
Dulce jubar Solis studiis melioribus aptum est.
A modicâ cœnâ sit moderata quies.
Portio si qua dii curis se segnis aufert,
Quam Phoebus nitidis exerit ætus equis:
Exigite in silvis, in lati margine rivi.
Hoc succo & Bachi parte levate sitim.
Solis fraxineis dignè requiescite in umbris:
Obviaq; ætherii multa datoris erunt.

In Hattonem versificem.

Hatto fugit silvas, nemorumq; encomia ridet.
Pone focum infelix ipse Poëta sedet.

De Fannia.

Fannia de meditâ postquam dubitaverat herbâ,
Sæpe cor & geminum Fannia puncta latus:
Hoc siler huic morbo est, dixit myropola Philippus,
Pyxide ab hac genitor sumsit avusq; meus.
Fannia damnavit fatuas, ubi viderat, herbas.
Pane suo vixit, quem dabat horna Ceres.

Ad liberos.

Sunt qui Phidiacum statuunt in limine marmor,
Quaeis decorum in raro Zeuxide summa sita est.
Vascula de torno qui praeipuere Myronis:
E quibus, argentum si posuere, bibant.
Exosi talem, suboles dilecta, furorem
Fugimus in Cynico nomen habere gregem.
Calavit nostros fabri rudis ascia postes.
Marmoris his speciem pictor agyrta dedit.
Pleraque de patrio veniunt mihi pocula limo.
Atqui illime merum est, quod mea turba bibis.

Ad Cathar conjug.

Cathrula, vendidimus, nostras quod perdidit horas.
Quod mihi tot messes abstulit, hortus erat.
Quod curem, est aliud; nihil hoc de fure laboro,
Temporis & rerum parvus amore Tui.
Crede mihi, prodesse Tuis, mea Cathrula, natis.
Audisti, quantas ille voravit opes.
Saepe mihi ingentem spem turbavere procellae:
Saepe imbris nocuit copia, saepe calor.
Vise alios hortos: alieni hoc carpe laboris.
Inde quod exigimus, venditur aere levi.

Ad liberos.

Carmines saga potens terris immittere ventos,
Sternere & occulto pulvere docta pecus,
Vrereque absenteis Meleagri in stipite, cumque
Transulerat sortes, amplius ausa nefas,
Ducitur. Hoc merita est, pueri, sex Orbis & Orci,
Impos ut admissis fiat ab igne cinis.

Ad Catharinam conjug.

Cathrula, quodcumque est herbarum valle reducta,
Quodcumque in summis ventilat aura iugis,

Corrigis

Corrigit humanos flammæ moderamen in usus,
Cum superest herbâ de moriente liquor.
Maxima pollicitis nintium ne crede Chemistis.
Stillabit melior succus ab igne Tuo.

Ad Anton. Brussenium.

Vicisse Herculei lætor Te monstra laboris,
Bruseni, durat quem duodenus agon.
At non insanâ luctâ, sed dura ferendo.
Par mihi cum fueris, par quoq; meta mali est.
Alcides odio fuit hostibus: est minus illud.
Memeus, hoc plus est, Te Tuus hostis amat.

De liberis.

Poli obsecutus publicas ductaveram
In nundinas minimum gregis cum maximo:
Quum pulcra mercium vident, amant, rogant
Submisæ, apertè in lacrumarum guttulis,
Vix hujus illiusq; facti compotes.
Ad circulatorem dein Potassium
Processimus, quâ grande pegma struxerat
Rem commodum facturum & facetias.
Plausere perditâ omnium cupidine
His porro capti ludionum ineptiis.
Iam servulis narrant, quid auscultaverint.
Quod sistat in paeris leveis motus, leve est.

Ad eosdem.

Quid tennes beta præsent, quid brassica profit,
Quid juvet ex ipso nata labore quies;
Ante Quirinales monstravit Græcia fascēs.
Res patet è vitâ, commoda si qua fuit.
Pharmaca cum Medicis ignorat turba fabrorum.
Hoc labor, ô mea gens, & rude præstat olus.

Ad

Ad Catharinam conjug.

Ultima Tu regnes per nostros, Cara, Penates,
Per mea nempe viri vota superstes eris.
Instilla generi nostro Tibi cognita dudum,
Virtutemq; jube dotis habere loco.
Non opus Oenomai subversor Myrtilus illis,
Non magico nexus carmine nodus erit.
A Superis in nos manantia commoda solis
Gentis ab humana qui petit hoste, perit.
Acquirent thalamos: nec pulcris gloria captis,
Aut rerum cumulus decrit ab arte proba.

Ad eandem.


Atrinet ad mores, pars est non infima cultus,
Cum pes sorde caret, cum sine sorde toga est.
At crinem fronti submittere, Cathrula, turpe est.
Quicquid Gallecus, Picto, Ligurg; probent.
Frons pueris sit aperta meis. Dic saepe monendo,
Quam deceant rectos ora reiecta viros.


Ad eandem.


Scripsit Amor, Catharina, mihi: legiq; tabellas
Hyberno gelidis sub Iove vetus aquis.
Nosse meos pariterq; Tuos desiderat aestus.
Ab nescit hiemes improbus ille puer!
Rescripsi: me certa satis responsa daturum
Tempore quo caelum vernat & omne nemus.


Ad Lectorem.


Pleridum studiis sum maxima, Lector, adeptus:
Et mihi ver latum nulla fugavit hiems.















Biblioteka Jagiellońska
sldr0019523

